

閩都記卷之三

郡人 王應山 纂輯

郡城東南隅 閩縣

自還珠門達宣政街迤南為鳳池坊人瑞坊使旌坊巷通賢

境巷嘉榮坊巷福星坊街安泰橋朱紫坊巷興賢坊街南門

還珠門在布政司南五代偽閩所築名鎮閩臺又名龜頭門俗

呼雙門會城之中也唐子城門七東曰康泰 今麗文坊都督府前彌西之東

西曰宜興 登雲巷口 東南曰安定 今開元寺前 西南曰清泰 今大中寺門之東

正南曰虎節虎節之外為重關六門廢重關尚存宋大中祥

符間郡守嚴辟疆更名取孟嘗合浦復還之義國朝成化十

卷三

三年火十七年重建仍舊名曰鎮閩臺學士楊守陳為記宏

治甲寅至正德戊辰屢災正德壬申布政陳珂重建復名還

珠尚書林瀚記雙門之申鑿巨石為獅子厭制南面五虎山

云

宣政街布政司前通衢

鳳池坊舊號左通衢宋許將遷右丞郡守葉棣建坊並名其鄉

為鳳池京西鄉國朝成化十三年重建鳳池坊表裏有注水

石斛凡四

人瑞坊萬厓八年為進階亞中大夫程麟知府林春澤百歲建

春澤謝諸公建百歲坊翠旂谷曰萬松風嘯息猶存三老

翁詎意臯夔黃閣上遙憐園綺白雲中擎天華表三山壯
日桑榆百歲紅願借末光垂遠照康衢早晚頌堯封

使旌坊巷宋李院為漳郡守鄉人榮之故名俗呼梅枝巷又呼
花巷以內通百花務也

通賢境巷內有通賢里社故名

嘉榮坊巷舊名南營口宋政和間李俯知婺州其孫提舉浙東
鄉人榮之故名後改登瀛今廢

福星坊街俗呼館前闕五州諸侯館也元宣慰使魏天佑寓宅
更旌隱坊為福星坊國朝成化十七年重建今燬

安泰橋古利涉門外宋宣和七年郡守陸藻創亭其上舊有重
脩津渠記在利涉門掌書記陶嶽撰亭久廢記亦不存 宋

卷三

二

求放心齋

曾鞏出利涉門詩紅紗籠竹過斜橋復觀黿飛入斗杓人在
畫船猶未睡滿堤明月一溪潮

鞏南豐人知福州

朱紫坊巷地名新河舊號三橋宋通奉朱敏功兄弟四人居之
朱紫盈門故名內有國朝脩撰羅倫一峯書院今廢更祀倫

於兩賢書院

南察院舊貢院地也國朝成化七年改巡按御史居之嘉靖二

十七年改為公館三十七年闢為都察院巡撫都御史居之
後為提學道萬曆四年改為清軍察院尙書林煥撰記十一
年副使耿定力復脩葺為提督學校公署一十七年礦稅大

監至居之

興賢坊在府學街口初名進德宋政和中更興賢坊國朝因之

屢圯屢脩萬厯七年知府潘頤龍重脩

南門宋時名宣越重關東向重樓巍堞砌石屈曲皆水紋

由鳳池坊折而東爲東街金華境連桂坊巷雙節坊清泰

坊巷太平公輔坊高行坊朝仕坊竹林境巷閩縣世忠祠

忠順坊秀實坊壽宣坊拱辰坊街晝錦坊巷達尊坊普光

塔寺海晏坊尙書里去思橋晉浦橋善壽坊巷石幢巷湯

門街棗華坊溫泉坊狀元坊尊儒坊東門

東街達于東門通衢數里爲城中冠

卷三

三

求放心齋

金華境祀閩少師梁國公張睦睦固始人唐季仕閩領權貨務
斂不加暴閩人思而祀之今爲故里

連桂坊巷地名梳行宋給舍黃唐傳居之劉延康以其兄弟登
科建坊今廢俗呼廠巷

雙節坊高明妻林氏高孔文妻鄧氏立今廢

清泰坊巷內通石井宋大觀中守李畸建坊今廢

太平公輔坊俗名枋門宋初以通太平寺名坊紹興末朱倬拜

右丞相尙書王師心爲改太平公輔後燬國朝正德間里人

叅政何顯以兄弟三人知府州縣建三牧坊萬厯間徙經院

前橋南

高行坊巷宋名鄉習營以驍勇名坊內有駐泊營後趙伯尚以八行舉更爲高行今廢

朝士坊地名小石井宋朱敏元居之故名今廢

竹林境巷在仁慶坊閩捉生營也有竹林通應廟相傳龍井金鱗隱見其中歲旱禱之卽雨宋紹興中里人弗戒於火災及民居望屋上有甲士標竹林旗撲火者無數火尋滅淳熙間廟前周氏火亦然雨暘疾厄隨禱輒應嘉泰三年縣請朝賜額永惠今封勅猶勒廟前

閩縣淨業尼寺故址也先是宋元間縣治在閩都坊內國朝洪武二年知縣路圓玉移建今所成化三年知縣邵奎重建

卷三

四

求放心齋

秀實坊舊名升秀國朝初徙縣治於此署八閩首縣屢燬屢建世忠祠舊振文社學址國朝萬曆十二年建祀南京兵部尙書贈光祿大夫太子太保諡文安林瀚子光祿大夫太子太保工部尙書贈少保諡康懿庭榻資德大夫南京禮部尙書贈太子少保諡文恪煇所司以春秋仲丁致祭少保諡文恪煇所司以春秋仲丁致祭壽寧坊在秀實坊內今廢

忠順坊巷舊名延慶以慶城寺前延慶橋名宋陳景彥更名今廢

拱辰坊街閩王時號新路口今呼新塔街以內通安福塔院也

錦坊巷名華萼坊閩王時號新市國朝嘉靖初里人

梯以都雅史歸省名畫錦

普光塔寺在甘棠坊內熙寧五年建有塔五級國朝洪武間增爲七級宣德間徙建寺西後塔燬寺僅數楹正統間居士夏普明借居其中結壇普明死無子仍復爲寺寺後有橋曰馬站

明徐燂詩門隣闐闐久凋殘法界重興得宰官半笈白雲經
卷亂數行青蜩篆烟寒宋朝畫佛昏塵壁蜀國流僧咒古壇
月月滿空涼似水漸移海影上旛竿 謝肇淛詩偶隨清磬

抄雞園黃葉聲中佛火昏古殿烟埋金碧相空壇雲濕寶花

卷三

五

求放心齋

海庵因近市無閒地僧爲休糧不出門茆榻竹房相對語也
勝車馬日喧喧

蓬尊坊在甘棠坊之東國朝正德十三年爲大司馬林瀚建
海晏坊巷舊羅城海晏門之旁俗名河浚

尙書里地名河西舊有施政坊後更美政國朝嘉靖間爲里人
林瀚子庭梈庭機孫熾四尙書更今名

去思橋在舊羅城大壕俗呼灣橋景德元年郡守謝泌易木以
石去三年而橋始成後泌卒官州人相與縞素祠之守嚴辟
疆怪而問焉民言謝公寬惠得人心時嚴政尙操切聞言感
悟更濟以寬祥符七年改名通津熙寧八年郡守元積中

泌之政乃更去思陳烈爲記後陸藻守鄉郡構亭其上提刑
俞向爲記其後祠亭俱燬石刻八字宜戒前事不可架屋
魯浦坊巷地名河東宋天聖中李正登以郡中有讖魯浦坊中
人挺生迺更今名國朝嘉靖五年爲里人倪鏡倪組倪緝同
登進士重建

善壽坊巷里人有卓推官者其母陸藻之姊也年八十餘康強
無恙藻典鄉郡因名其坊今廢俗名篋梳巷一云秘書巷因
藻蘊兄弟官秘書於此故名

湯門街北達湯門其地有溫泉焉故名

椽萼坊地名湯巷宋時鄭杜兄弟三人俱中武舉杜廷試第一

卷三

六

求放心齋

故名今廢

石幢巷內有寧海神祠封廣利王元至元初建國朝宣德五年
重脩

溫泉坊地名內湯井宋嘉祐七年守元絳閣郡圖得其名往觀
之濬其源礮石爲井揭宇環之疏濁流於垣外宣和六年陸
侍郎藻命縣重脩溫室四中有振衣亭澣日一啓非衣冠不
許遊也其後郡人羣浴於此溷雜頽廢國朝萬曆十年重建
狀元坊巷舊名團練坊宋嘉熙八年許將舉進士第一更今名
後廢國朝成化八年重建莆田侍講陳音爲記萬曆二十九
年災

尊儒坊宋蔡伯晞宅此今名蔡奇巷伯晞福清人祥符中四歲能詩以神童舉真宗賜詩美之因以名坊 宋真宗賜蔡伯晞詩七閩山水多靈秀四歲奇童出盛時家世應傳清白訓 嬰兒自有老成姿纔當學步來朝謁方漸能言便賦詩更勵孜孜圖進益青雲萬里有前期

東門宋行春門立春前一日郡守率僚屬迎春於此

由使旌坊折而東爲石井丁戊山安福院嵩嶽觀嶽臨坊聯
榮坊

石井在左一坊宋慶厯間提刑蘇舜元鑿

丁戊山名嵩山又名中山在郡城之中隱隆磅礴闐闐間

卷三

七

求放心齋

安福院在丁戊山上唐咸通十三年建梁乾化二年王審知建木塔七級俗呼新塔元豐間院廢官籍其地售民以居今稱塔崎云

嵩嶽觀在丁戊山之南稱中山嵩嶽崇福行宮今廢里人飾其地表以五嶽中華

嶽臨坊俗呼登龍巷坊今廢

聯榮坊通小石井舊名旣富宋樊仁遠仁達兄弟登科更今名由嘉榮坊折而東爲南營坐營司

南營古駐泊營也有驍騎坊今廢宋時將卒自他所調集者居此又有橫衝百勝全勝捉生諸營環坊隅以居鈐轄監押領

之或郡守縣令兼領去

坐營司在南營之東國朝初爲巡海都指揮公署嘉靖季年倭寇軍興添設總兵叅將遊擊守備等官以其署爲遊擊府後以爲坐營司軍門坐營居之

由福星坊折而東爲旌隱坊憲臺孝廉坊釣鱸橋雪峯庵
中山堂南樓都察院東福星坊

旌隱坊爲宋屯田郎中湛俞建後廢改爲福星坊

俞字仲謨嘉祐進士五十

致仕屢召不起

憲臺舊爲分巡武平道萬厝中改今名

孝廉坊景泰間爲巡海都指揮王勝立兵部尙書鎮守福建孫

卷三

八

求放心齋

原貞嘉勝孝友廉介於鎮守府前建坊旌異之後大監鎮守嫌其音爲孝簾令撤去

釣鱸橋俗呼爲鈹爐今爲平陸其橋猶存

雪峯庵本雪峯寺解今廢

中山堂在臨清河邊元時建今廢

南樓在嵩山之陽朱普祖宅元黎伯韶卜也三峯環宇雙塔插空兩河九陌虹流鱗次普字孔周宋進士儒林郎敏中之裔

明王恭南樓奇觀爲朱孔周賦飛樓軼浮埃迴繞三峯翠

樓中十二曲闌干下瞰蒼蒼似鱗次七閩重鎮舊繁華九陌

三衢十萬家連營國步軍容盛法宇仙臺鳥道斜遙空塔影

回孤雁何限清暉卷虛幔洗馬壕頭過雨香釣鱸橋下春流
滿白雲飛上越王山憶昔豪華午夢間城池百戰今誰在草
色千門幾度閒王章繪袞分秦土瑀弓白馬空陵樹霸氣榮
光共渺然屠龍射蛟今何處登臨懷古興悠悠酌酒彈弦醉
不休博陵才子林敏漢孟能歌詠靈武詞人王偁孟揚
羈多上客獨憐王粲未銷憂林敏詩炎荒苦溽暑逸翮思
層樓主人啓華構恍若登蓬邱披雲自地湧飛鳥升天遊花
雨翳雙塔稷烟蔽南州一水辨甌越萬家臨女牛當空列仙
蹟入戶明河流薰風引華筵夏夜如涼秋殞霞卧瑤簟身世
隨虛舟下窺指塵境生滅如浮蜉願同騎赤鯉候子此焉休

卷三

九

求放心齋

王偁詩何處登臨景最幽羨君華構有層樓筵開夏日留
歌舞門近長河宿斗牛千里河山雲外望萬家烟火樹中浮
人間卽此昇天近誰復乘槎賦遠遊

都察院在嵩山之麓其地閩五州諸侯館宋尙書王祖道宅國
朝洪武初闢爲鎮閩府駙馬都尉王恭居之嘉靖中僉事江
以達改爲道署曰學憲自爲記倭寇軍興復設撫臺提督軍
務遂開府於此隆慶四年火都御史汪道昆重建

東福星坊舊名籌帥宋王祖道宅也元初與南街福星坊通爲
一街國朝成化十七年重建

由興賢坊折而東爲府學花園閩縣儒學

府儒學唐初學宮在今布政司右後移今所宋太平興國中轉
運使楊克讓成孔廟紹熙間教授常濤於御書閣後建經史
閣朱文公記之國朝洪武初因宋元舊制四年火七年知府
楊士英重建聖殿在學宮之西啓聖祠在其東北敬一亭在
明倫堂東南舊桂香亭址常公祠在聖殿東南祀唐常袞京袞
兆人建中間以前宰相出爲福建觀察使閩人未知學袞設
鄉校躬臨勸講課之爲文又延名士歐陽詹輩禮遇之袞素
以文章自名由是閩士感勵歲貢與內州等國朝成化間有
袞卒閩人思之建祠學宮春秋享祀不絕布政使麟其苗裔也至閩大脩祠宇勒祭文於碑名宦祠在
廟門左翼之南祀宋蔡襄曾鞏而下元董文炳而下國朝湯
和陶垕仲等凡十七人勉齋祠在府學東偏鄉賢祠在廟門

卷三

求放心齋

右翼之南祀林慎思宋陳襄鄭洙周希孟鄭穆陳烈而下元
林泉生林興祖國朝處士吳海叅政鄭珞諭德林誌都御史
洪英而下凡百三十人射圃在明倫堂東偏

花園宋叅知政事陳韉別館也韉北山先生孔碩子有將帥材
嘗以南劍州兼招捕使討平閩廣江浙羣盜積功至叅相樞
府花園久廢今籍於官國朝有陳啓妻貞節坊猶韉故居之
址

閩縣儒學宋慶厯間建屢經脩拓元至元間學官丁堯新之其
後縣尹吳鼎張德學官陳振高子琳蔣德詵屢脩國朝洪武
初因元之舊拓而新之

由新塔街

舊拱辰坊

折而南爲黃兼倉高節坊光澤坊察院栢衙前津門樓通津橋鐵冶巷

黃兼倉晉時黃鄭二姓初入閩所居也今署黃金里非是宋時里人有陳尹者由八行舉爲建舉廉坊今廢

高節坊舊名嚴師爲提學林徵之建後通判楊幹引年致仕更名今廢

光澤坊閩橫衝營在焉巷有二井義井也建坊潤澤後更名光澤井存坊廢

察院其地舊織染局也國朝成化間改爲市舶府嘉靖二十七年御史陳宗夔自南察院徙居之後屢增拓規制益宏

卷三

十一

求放心齋

栢衙前在察院之南元行省郎中栢帖穆爾居此栢一門死事宅廢已久芳名猶存國朝成化間侍郎黃堯復尙書黃鎬二人故宅在焉今俱易主

津門樓古通津門城樓也俗呼爲青門樓宋時拓城諸門俱廢所存惟此上有樓以祀五顯

通津橋舊名兼濟初從清水閘開河通灣橋浦引潮貫城橫波兼濟門蓋閩築羅城所鑿也宋咸平中郡守陳象輿重濬之更今名俗呼新河

鐵冶巷古冶鐵之所有坊曰化城今廢